## MARERETRBON

Jisu do hohoateye menkeda: "Iń do mitten marsalge dhartiteń hećakana jemon Ińre pạtiạu mit ke mit hor ńutre aloe tahen :" (Jo. 12.46)

S. ISOR MẠRNDI (POROLBONA)

AO disom do Santal Pargana,
Bir burute sajaoakana. Bir burute sajaoakana.
Nana parkan cẽrẽ ciprut,
Adi husnakko raganeć.
Legeć legeć hariar sakam, Bejãe mónjok ho sajaoakan.
Onare cẽrẽko abokkan, Ar Isorko sarhaoedekan.

Ona sanam mońj husnak, Isorgeye sirjauakat.
Mase boeha hudismabon, Isorak daya bujhaumabon.

Sisirjauić doe sarhaokma,
Babańcaoić doe mahimaǩma.
Ma boehabon hohoema:
Isorak raj do pasnaokma!

ATHWAR HILOḰ ASOL MISA TAYOM ABO BHAROT DISOM SEĆ DULAR UDUG LẠGIT NOA KOE JOṄ ROROR EHOṔAKANA

Naeke-E Probhu, aleak porjaten disom raj bańcaome.
Krisṭanko - Arle nehõramkan hilokre luturaleme.
$N$.-E Probhu, ińak koejoñ ańjomtińme.
$K$.- Ar ińak hoho Am ṭhen seṭerokma.
N.- Probhu, ape tuluće tahenma.
$K$. - Ar Amak jiwi tulućge.

## DE BON KOEA

E
PROBHU, Bhoranić Dạngua Mạriạwak ror sohotte noa gharońj mimit jala jońjol khon niroponte dohoeme. Noa do gota ontorte Amak jañgare giḍi samañakana. Ona iạte bairikoak jhali khon de dayakate bańcaoakan dohoeme. Aleren Probhu Krisṭ iạte.
K.- Onkage hoyokma
$N$.- Isorak goṛo do sińsạtuṕ abo sãote tahenma.
K.- Onkage hoyokma,



# Iroki fatren D. K. Kateri Tekakwithawak Fion Carit ( 1656 -1680) 

## Uniaḱ Disom

IROKI jatrenko do Amerika disom ona țṭhareko berelokkan tahẽkana, okare netar New York jila menaka. Iroki jạt talare mõrẽ thok tahẽkana, metakme Mohawk, Oneida, Onondaga, Cayuga ar Seneka. Ona disomren adibạsi jạt Iroki do akoak bin dayak se kumaya iạte namḍakko tahẽkana. Onkoak din do larhạitege calakkan tahẽkana ar mimíf jitạuk piche akoren kạidi hor aḍitetko kosṭoocoetko tahẽkana, bañkhan oka do onko goćkate ona jelteko poroboka. 16461649 sal bhitrire sonot Phadar Isak Joques ar ettak eyae goṭeć Phadar ar barea Brother onkoak tireko goćocoena. Khange gel serma tayom oka jaegare onkoak mãyãm joroolena, ona jaegarege mitțen mońjokoć baha, metakme huḍiń Tekakwithae omonena.

## Uniak Janam Okte

Nui kuṛi gidrạ do 1656 salre, jạt mabo badaege Iroki, ado Mohawk thok reak mitțen atoreye janamena. Uniren gogo do Algonki jatrene tahẽkana ar Baptisma ńamkate Katholik lekae asul haraena, menkhan Irokikoak mitțen lạ̣hạire onko do uniko saṕkedete ako jatren mit hor tulućko baplakedea. Uniren barea gidrạkin hoelena, mit kora mit kuri. Uni kuri gidra do harakate baptismaeye jokheć Katharinako ńutumkedea. Katharina se Kateri ać gogo do adi bhage maejiue tahẽkana ar gulamok̉ oktere Isorre patiạuk ar bhorsak bae baggileda, bickom ses hạbić mit koejoñreye dhurạulena jemon gulạb poha hoponkintae do dhorom lekatekin harak. Uni do ente mit serma unkin gidrạ ạdi kaṭiće bạgiatkinte guṭi rogteye goćena, dayage! Gujuk lahare gidrạkintae do sermaren Isor Baba ț̂ene jimạotokatkinạ. Isor do uniak nẽhor, asokaete Katharina babotreye ańjomlettaea, ente kora gidrạ hõ inạ rogte thora din khaćge taenom taenomte engate pańjakedea. Kateri hõ guṭi rog saṕ ledegea menkhan Isorak dayateye bańcaoena, enhõ uniak hormo asokaete mētkin aḍitef nijorentaea, nunạk hạbić siń cando rãt bae sahao dareaḱte orak khon ợokok jokheć metahã kicrićteye tuturi esedokkan tahẽkana. Uniren baba do ceflekae mucạtena ban baḍaeokkana,
menkhan eken ninạkge tewan ńamok kana, banma, Kateri do pon serma umạrren hoekateye țuạr utạrente ać kaka ar kạkiak jimạreye tahẽyena.

## Bedine Tahẽkan Okte

Kateri do ạdi mạhir ar hukum maknaoić gidrại tahẽkante ać kạkitekoak gobolre tahen do jahan muskil bae aikauleda, uni do mimit bhageak sene laha idikkan tahẽkana; eskar tahen ar kamijoñ do aḍitéte kusiakkan tahẽkana. Ețak kuṛi tuluć gatek do uni lagit hirkhạwanakge tahẽkana ar eken jarurlenkhan orak khone oḍokoka. Haharrak katha do noage, bedine tahẽkanrehõ sanam lekan baṛićak ar ạuriak se dhạrti rạska doe tho kharakakkan tahẽkana, ona iạte atoren kuriko leka mońj ńelok se sajaok ar khildu khamda barae do ekalte bae kusiaka. Bickom lựsi sindạn bodolte nirola ar saphate tahen lagit kai muhim khone saharoka ar baplak hõ bae angoca. Kạkitteko do uni baplaye lạgit bar pe dhaoko kurumuṭu legakeda, menkhan uni do mimit dhao adi hahara lekate bujhạuatkoteye bhagaoketkoa. Onko do uni jormotte ar be-ṭhik upaite hõ kusiocoye lagit ạditet́ko kurumuṭu barakeda, menkhan oka dhaoge bae anggocleda. Onate onko do aditetko santaokedea menek uni do duk kosṭo sakhaoge borcone rạjiena enhõ kạbulocoedekanko ona do bae hẽkada ar jiwi hatarkate sanam ruhet ar bis bakhan eger kusiteye sahaokeda. Ar unjokheć uni do ać kąkiteko pạhil khon bạ̃rtiye manotketkoa. Nonka ńelkate onko do bapla reak ar bako galmaraoadea. Isor do noa upaite nui bhage kuṛi dhoromocôye lạgit bạibạiteye sapraokedea.

## Uniak Baptisma

Bhag lekate mit din ona ato sećre mitten Phadar e (Lamberville, S.J.) sețerena. Kateri do uniak dhorom sikhạna ańjomkate isaioke menwana, menkhan bañ do. botorte bañ do lajaote Phadar then sorok bae dilleda. Enhõ Isor do uniak sonot sana purạutae lạit Aćgeye upaiadea. 1676 salre phosol samtao din atoren joto ayo hor khetreko kamikan tahẽkana. Kateri do aćak nijor mẽt iạte marsal bae sahao dareakte ać
kạkiteko do orakkre eskargeko bạgiotoaea. Ado mit din Phadar ona ato sećteye paromena ar Kateriteko orak tiokkate Isorak udgạute onare bolok mon hećadea. Kateri do Phadar ackage nelte rạskạteye perećena ar Phadar hõe rạskạena, ente uni kựi do bir reak aṭkuṭi ar janum talare metakme onko jạngli hor talare tahenrehõ, mitṭen mońj so baha lekae haralen tahẽkana. Phadar do ente uni kuri tinạk beste ar saphate dine khemaoet tahẽkan babotre ańjomkate Isor do uniye bachaokedete uni tuluće tahẽkana menteye bujhạu gotkeda. Onate Isorren gidra hoyok lạgit sapraoe tayomte sorokkan Paska porob hilok joto hor samañe bạptismaye reake gota thikkeda, jemon onten nã̃wã Kristanko uniak nạmuna ńelte ako lagit porhoko ńam. Enḍekhan ona marañ porobre joto Kristan girja orakre jarwakate Kateri doe bạptismaena. Kristan boehako do uni kuṛiak bhokti ar dhorom mon nelkate rạskạenteko bujhaukeda, uniak nạmuna hotete aemako isạiok̉a mente. Ar sạrige tayomte onkoak as bhorsa purauena, ente uni kuṛi baptismakate joto hor lagit sanam pun reak asol nạmuna tengoente aema hor dhorom seće orketkoa.

## Sault Misonte Calak

Kateri do Bạptisma nam tayom ona

atore mit bochor tala gane tahẽyena. Ado Phadare hudiskeda, uni bhage kuṛi do Iroki disomre tahen bañ ṭhika, onate uni do etak bes jaegate kole reake motlobkeda, metakme Sault ńutuman jaegare tahẽkan Sonot Phransis Sewiạrak Misonte, one oka jaegate Kateri hõ calake menet tahẽkan. Onate tinre Phadar do aćak motlobe lại sodoradea, uni do usạrate calak kusiteye angockeda. Menkhan ona sạngińn jaegate okoeye idiea se ceka calakae ? Isor do Aćge onae upạikeda.

Sault Misonre ạ̣̣i utạr ạdibạsi Krisṭanko berelakan tahẽkana. Onḍe do lạ̣hại ar gulmal bodolte suluk nirại tahẽkana ar joto hor dhorom ạdi napaeteko doho dareakkan tahẽkana. Dihạt khon onḍe senok hoṛ ona ńelte ekalko mạlunookkan tahẽkana. Ona iate dher Kristan ondegeko orak duarkeda. Onko talare Katharinaren baḍha boeha kuṛi ar teńat hõ onḍegekin tahenkan tahẽkana. Nui boeha kựi doe menjoñkan tahẽkana, bañma, aćren peṛa Kateri hõ ona jaega reaḱ suluk ar rạska nam lạgite hijuḱma. Onate mit din ać jawãe Kateriyak atote senokkan ețak Kristanko sãote uni ague lagite kolkedea. Nui hor do onḍe seṭerkate cet lagite taram lahawakada onae lạiatkokhan Kateri do don kocoṛe rạskạena ar ać kạki hõ uni senocoae bae akoṭleda. Dhuk dhuk tahẽkana, bañma, uniren kaka bae senocoaea, menkhan bhạg lekate se Isorak daya lekate uni do ona jokhećge sạnginiń ńõk disomreye tahẽkana ; onate Kateriak calakre jahan muskil do bañ hoelena. Khange ać kaka do ruarkate bhạcạt kuṛi bae ńam ledete ạ̣i ãṭe edreyena ar bạndukante uni pańjae oḍokena. Uni do calao hotkate Saultren gạd hoṛkoe tiokketkoa. Noko do uni sạnginíre ńelte Kateri gajarreko okokedea ar jojom lekako durupena. Kakattet do onko ṭhen bae ńam ledete etak seće calaoena ar orakteye ruarena. Nonkate Kateri do Isorak dayateye bańcaoente Saultrengad hoṛko sãote Sault Mison seć arhõe mohndaena ar onḍege 1677 salreye seṭerena.

